

կրկին ողջունեալ<sup>1)</sup> զմիմեանս, ապա արձակեալ զնաւն՝ ելեալ զնացին: Եւ էր ժամ Ը-երորդ, եւ ապա եւս եկն Վարդապետն ի Սուրբ Նիկողոս եւ կարգալ ետ զայն թուղթ ումեմն հոռոմի եւ հաւանեալ ամենեցունց՝ զնացեալ իւրաքանչիւր տեղիս մի մի. եւ ուղարկեցին զնա ի Պուղտան առ պարոնն: Եւ աւուրքս Վարդապետն ել եւ զնաց յՈւսկիւտարն:

Սեպտեմբեր ամիս օր Շաբաթ. եւ այգուցս Կիրակի Բ-ին:

Կիրակի թ-իս բարեկենդան Սուրբ Խաչի: Յամենայն եկեղեցոյ իշխանաց բարեկամաց Վարդապետին ելեալ զնացին յՈւսկիւտարն առ Վարդապետն, որպէս զի յաւրհնութենէ նորա շահեսցին, զի ասաց թէ Գնալոց եմ, կապեալ զձիսն եւ զջորիսն անդ յՈւսկիւտարն. զոր եչիս (13 Սեպտ.) անդ առ նա էաք. և օրս ևս ելեալ ընդ Մղտեսիւն և ընդ Մինասիւն զնացաք անդ զիմել, եւ ի ճանապարհին վաստակեալ իմ՝ ոչ կարացի զնալ անդ, զի անկար էի յաւուրսն, այլ դարձայ ի բնակութիւնս իմ, և նոքա զնացին: Եւ ամենայն բարեկամք եւ սիրելիք անդ են լեալ, այլ եւ Խօճա Տաւութն եւ Հաճի Սէֆէր՝ մինչ երեկոյիս, եւ ոմանք գան ի բնակութիւնս իւրեանց և ոմանք անդ մնան թէ երբ ելանիցէ՝ արասցեն զսպասաւորութիւնն. քանզի հայէր ճանապարհակցի որ երթայր: Իսկ չարք ոմանք և բանսարկուք յեկեղեցոյ մեր Գ և Դ արծարծեալ ի քաղաքս թէ Այնոքիկ<sup>2)</sup> որք զնացին յՈւսկիւտար, խորհուրդ արարին զի զեղիազարն պատրիզ արասցեն և զՅովանէսն հանցեն: Եւ ժողովեալ ի մի զնամանիս իւրեանց և զնեն խօսք առ իրեարս և առ Առաջնորդն, և ժողովեցան ի Սուրբ Նիկողոս Յովա-

1) ուղջունեալ.

2) այնորիք.